



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Posebni odjel za ratne zločine
Broj: T20 0 KTRZ 0000111 06
Sarajevo, 21.08.2023. godine

SUD BOSNE I HERCEGOVINE
Sudiji za prethodno saslušanje
Na broj: [REDACTED]

Na osnovu odredbi člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine (u daljem tekstu: ZKP BiH), p o d i ž e m:

OPTUŽNICU

Protiv:

[REDACTED] PEULIĆ BOŠKA, [REDACTED] rođenog [REDACTED] 1947.
godine u [REDACTED] opštini Prnjavor, [REDACTED]

[REDACTED]
[REDACTED]
[REDACTED] državljanina BiH i Republike Srbije, [REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]

[REDACTED]
[REDACTED]
ĐURIĆ PETARA zvanog "Keruša", [REDACTED]

rođenog [REDACTED] 1954. godine u [REDACTED] opštini Kneževo, [REDACTED]
[REDACTED]
[REDACTED]
[REDACTED]
[REDACTED]
[REDACTED]
[REDACTED]

državljanina BiH, [REDACTED]
[REDACTED]
[REDACTED]
[REDACTED]

PEULIĆ DAVORA, [REDACTED] rođenog [REDACTED] 1970.

godine u Ljubljani, Republika Slovenija, [REDACTED]
[REDACTED]
[REDACTED]
[REDACTED]
[REDACTED]
[REDACTED]

državljanina BiH, [REDACTED]
[REDACTED]
[REDACTED]
[REDACTED]

Što su:

I

U vremenskom periodu od početka mjeseca maja do kraja mjeseca oktobra 1992. godine, na području opština Travnik i Skender Vakuf, današnja opština Kneževo, za vrijeme rata i oružanog sukoba u Bosni i Hercegovini (BiH) između Vojske Srpske Bosne i Hercegovine, kasnije Republike Srpske (VRS) sa jedne strane, te Armije Republike Bosne i Hercegovine (A RBiH) i Hrvatskog vijeća obrane Bosne i Hercegovine (HVO BiH) sa druge strane, **Peulić Boško**, u svojstvu komandanta 122. lake pješadijske brigade (Ipbr) 1. Krajiškog korpusa VRS-a, a kasnije komandanta 22. Ipbr 1. Krajiškog korpusa VRS-a (VP 7404 Kneževo), kao de iure i de facto nadređeno lice svim pripadnicima navedene brigade, nad kojima je imao efektivnu kontrolu i kao odgovorno lice za bezbjednost ratnih zarobljenika HVO-a BiH, znao da su njemu podređeni pripadnici pomenute brigade počinili ubistva trinaest (13) ratnih zarobljenika – pripadnika Općinskog stožera Travnik HVO-a BiH na platou Galica, planina Vlašić, opština Travnik, nije preduzeo nužne i razumne mjere da spriječi ta ubistva i nije preduzeo nužne i razumne mjere da njemu podređeni počinioci istih budu kažnjeni, te nakon što je u istom svojstvu njemu podređenim pripadnicima 122/22. Ipbr nad kojima je imao efektivnu kontrolu naredio dovođenje i protivzakonito zatvaranje civila bošnjačke i hrvatske nacionalnosti, te zatvaranje ratnih zarobljenika, pripadnika A RBiH, Stanice javne bezbjednosti Travnik (SJB Travnik) i HVO-a BiH, sve radi njihove dalje razmjene, u improvizovani zatvor - podrumске prostorije zgrade PTT-a Skender Vakuf, [REDACTED], te kao odgovorno lice za bezbjednost tih civila i ratnih zarobljenika dalje naredio podređenim

pripadnicima da nečovječno postupaju prema istim u zatvoru ili van njega, držeći ih u nehumanim uslovima, prema kojim naredbama su njemu podređeni pripadnici u potpunosti postupili, među kojima je i **Đurić Petar**, u svojstvu de facto komandira jedinice Vojne policije 122/22. Ipbr VRS-a (VP 7404 Kneževo), kao i nadređeno lice vojnim policajcima pomenute brigade koji su obezbjeđivali improvizovani zatvor - podrumске prostorije zgrade PTT-a Skender Vakuf, pa je tako Đurić Petar postupajući po naredbama Peulić Boška dalje naredio podređenim pripadnicima vojne policije – stražarima da nečovječno postupaju prema tim civilima i ratnim zarobljenicima, držeći ih u nehumanim uslovima, kao i da omoguće te dozvole i svim drugim pripadnicima 122/22. Ipbr da mogu nesmetano dolaziti u zatvor kako bi nečovječno postupali prema zatvorenim civilima i ratnim zarobljenicima u zatvoru ili van njega, prema kojim naredbama su njemu podređeni pripadnici Vojne policije u potpunosti postupili, dok je **Peulić Boško** i nečovječno postupao i mučio ratne zarobljenike, a **Đurić Petar** i nečovječno postupao prema civilima i ratnim zarobljenicima, a **Peulić Davor**, u svojstvu de facto komandira centra veze 122/22. Ipbr VRS-a (VP 7404 Kneževo), nečovječno postupao prema civilima i ratnim zarobljenicima u improvizovanom zatvoru - podrumskim prostorijama zgrade PTT-a Skender Vakuf, na koji način su Peulić Boško, Đurić Petar i Peulić Davor postupali suprotno pravilima Međunarodnog humanitarnog prava kršeći odredbe člana 3. stav 1. tačka a) i c) III Ženevske konvencije o postupanju sa ratnim zarobljenicima od 12. avgusta 1949. godine, te kršeći odredbe člana 3. stav 1. tačka a) i c) IV Ženevske konvencije o zaštiti građanskih lica za vrijeme rata od 12. avgusta 1949. godine, a Peulić Boško kršeći i odredbe člana 86. i 87. Dopunskog protokala I, kao i odredbe člana 146. i 147. IV Ženevske konvencije o zaštiti građanskih lica za vrijeme rata od 12. avgusta 1949. godine.

1. Peulić Boško – sam

Dana 15.05.1992. godine na platou Galica, koji se nalazi na planini Vlašić, tokom oružanog sukoba između pripadnika 122/22. Ipbr VRS-a i pripadnika HVO-a BiH – Općinskog stožera Travnik, nakon što su prethodno pripadnici gore navedene brigade VRS-a opkolili štalu u kojoj su se nalazili dvadeset (20) pripadnika Općinskog stožera Travnik HVO-a BiH i to

kojom prilikom se među pripadnicima navedene brigade VRS-a nalazio komandant Peulić Boško i koji je rukovodio cijelom akcijom, te nakon što je nepoznati pripadnik 122/22. Ipbr VRS-a naredio pripadnicima Općinskog stožera Travnik HVO-a BiH da se predaju, na što su ovi pristali smatrajući da će na taj način sačuvati svoje živote, pa su tako slijedeći dalje naredbe prethodno u štali odložili naoružanje koje su imali uz sebe, te su jedan po jedan izlazili iz štale, bacajući se odmah potom na tlo i pužući se kretali prema pripadnicima gore pomenute brigade VRS-a, na koji način su ovim stavili do znanja da su odustali od borbe i da su se predali, nakon čega su nepoznati pripadnici vojne policije zajedno sa drugim nepoznatim pripadnicima 122/22. Ipbr VRS-a usmjerili svoje vatreno oružje u pravcu tijela pomenutih ratnih zarobljenika koji su ležali na tlu, te u namjeri da ih liše života, iz neposredne blizine iz oružja ispalili više hitaca u pravcu njihovih glava i grudnog koša, nakon čega su ih u više navrata dodatno udarali - zatukli kunadica oružja u predjelu glava i grudnog koša kako bi bili sigurni da je nastupila njihova smrt, kojom prilikom je nastupila smrt tih ratnih zarobljenika i to

[REDACTED]

[REDACTED] da bi potom Peulić Boško naredio podređenim pomenutim pripadnicima da prestanu pucati govoreći da se radi o ratnim zarobljenicima koji podliježu Ženevskoj konvenciji, koju naredbu su njemu podređeni pripadnici u cijelosti izvršili, pa su tako prestali pucati i ubijati ratne zarobljenike, kojom prilikom su preživjeli ratni zarobljenici [REDACTED]

[REDACTED] iskoristili nepažnju pripadnika 122/22. Ipbr VRS-a te pobjegli sa lica mjesta, na koji način je Peulić Boško, kao de iure i de facto nadređeno lice vojnim policajcima i drugim pripadnicima navedene brigade koji su počinili ubistva, i nad kojima je kao odgovorno lice za bezbjednost ratnih zarobljenika imao u potpunosti efektivnu kontrolu, vidio i znao da su ti njemu podređeni pripadnici počinili ubistva trinaest (13) ratnih zarobljenika, Peulić Boško kao nadređena osoba nije preduzeo nužne i razumne mjere da spriječi ta ubistva i nije preduzeo nužne i razumne mjere da njemu podređeni počinioci istih budu kažnjeni.

2. Peulić Boško i Đurić Petar zv. "Keruša" – zajedno

Nakon što su po naređenju **Peulić Boška** potčinjeni pripadnici 122/22. Ipbr VRS-a, radi dalje razmjene protivzakonito zatvorili niže navedene civile bošnjačke i hrvatske nacionalnosti, te zatvorili niže navedene ratne zarobljenike, pripadnike A RBiH, SJB Travnik i HVO-a BiH sa područja i iz zone odgovornosti gore navedene brigade, u improvizovani zatvor – podrumske prostorije zgrade PTT-a Skender Vakuf, kao i više desetina drugih nepoznatih civila i ratnih zarobljenika, i nakon što je Peulić Boško kao odgovorno lice koji je imao potpunu kontrolu nad tim zatvorom, naredio podređenim pripadnicima, među kojima je i Đurić Petar da se prema tim civilima i ratnim zarobljenicima nečovječno postupa, tako što će se u zatvoru držati u nehumanim uslovima, uskraćeni od hrane, vode i drugih osnovnih uslova za boravak, kao i da se svakodnevno prelaćuju od strane pripadnika navedene brigade u ili van zatvora, a koje naredbe je Đurić Petar u potpunosti izvršavao, pa je tako dalje naredio njemu podređenim pripadnicima vojne policije – stražarima koji su obezbjeđivali zatvor, da nečovječno postupaju prema pomenutim civilima i ratnim zarobljenicima, te da dozvole i omoguće i svim drugim pripadnicima 122/22. Ipbr da mogu radi toga nesmetano dolaziti u zatvor ili ih izvoditi van istog, a po kojim naredbama su pripadnici vojne policije - stražari i postupali, što je pobliže opisano u tačkama I 2. a), b) i c), dok je Peulić Boško nečovječno postupao i mučio ratne zarobljenike, a Đurić Petar nečovječno postupao prema ratnim zarobljenicima i civilima, pobliže navedenim u tačkama I 2. a) i 2. b), na koji način je svim tim civilima i ratnim zarobljenicima namjerno nanošena snažna fizička i duševna bol i patnja, pa su tako postupajući po naređenjima Peulić Boška i Đurić Petra:

a) U vremenu od 01. do 08.05.1992. godine, a u kojem periodu su po naredbi Peulić Boška bili protivzakonito zatvoreni civili [REDACTED] te zatvoreni pripadnici SJB Travnik kao ratni zarobljenici i to [REDACTED]
[REDACTED] nepoznati pripadnici 122/22. Ipbr i to vojni policajci-stražari zajedno sa drugim nepoznatim pripadnicima navedene brigade kojima su stražari dozvolili da nesmetano uđu u zatvor, su svakodnevno u više navrata nečovječno postupali prema pomenutim civilima i ratnim zarobljenicima, tako što su rukama njihove glave odgurivali i udarali ih od zid, a zatim ih udarali stisnutim pesnicama, nogama, rukama, oružjem i drugim predmetima u predjelu glave i čitavom tijelu usljed kojih udaraca su gubili svijest, na koji način su im nanosili povrede po cijelom tijelu, kojom prilikom je **Peulić Boško** nečovječno postupao i to prema [REDACTED]
[REDACTED]
[REDACTED], dok je **Đurić Petar** nečovječno postupao prema [REDACTED]
[REDACTED] pa su im tako Peulić Boško i Đurić Petar nanosili povrede.

b) U vremenskom periodu od polovine mjeseca maja pa do polovine mjeseca jula 1992. godine, a u kojem periodu su bili zatvoreni pripadnici HVO Travnik kao ratni zarobljenici, počev od 16.05. i narednih dana istog mjeseca i to [REDACTED]
[REDACTED], kao i civili [REDACTED]
[REDACTED], zatim pripadnici SJB Travnik kao ratni zarobljenici [REDACTED]
[REDACTED], civili [REDACTED]
[REDACTED], pripadnik A RBiH kao ratni zarobljenik [REDACTED]
[REDACTED] civili [REDACTED]
[REDACTED] civili [REDACTED]
[REDACTED] te civili [REDACTED]
[REDACTED], a koji pomenuti civili su po naredbi **Peulić Boška** protivzakonito zatvoreni, nepoznati pripadnici 122/22. Ipbr i to vojni policajci-stražari zajedno sa drugim nepoznatim pripadnicima navedene brigade kojima su stražari dozvolili da nesmetano uđu u zatvor, su svakodnevno u više navrata nečovječno postupali prema pomenutim civilima i ratnim zarobljenicima na način što su rukama njihove glave odgurivali i udarali ih od zid, a zatim ih udarali u više navrata stisnutim pesnicama, nogama, rukama, oružjem i drugim predmetima u predjelu glave i čitavom tijelu usljed kojih udaraca su gubili svijest, na koji način su im nanijeli povrede po cijelom tijelu,
[REDACTED]
[REDACTED]
[REDACTED]

[REDACTED]

[REDACTED] kojom prilikom je tokom ispitivanja u vezi vojnih pitanja **Peulić Boško** mučio [REDACTED] dok je **Đurić Petar** nečovječno postupao prema [REDACTED], te van zgrade PTT-a prema [REDACTED] na koji način su im tako Peulić Boško i Đurić Petar nanosili povrede.

- c) U vremenskom periodu od kraja mjeseca septembra do polovine mjeseca oktobra 1992. godine, a u kojem periodu su bili zarobljeni pripadnici HVO Kotor Varoš, kao ratni zarobljenici, i to [REDACTED] nepoznati pripadnici 122/22. Ipbr i to vojni policajci-stražari zajedno sa drugim nepoznatim pripadnicima navedene brigade kojima su stražari dozvolili da nesmetano uđu u zatvor, su svakodnevno u više navrata **nečovječno postupali prema** pomenutim ratnim zarobljenicima tako što su rukama njihove glave odgurivali i udarali ih od zid, a zatim ih u i van zatvora udarali u više navrata stisnutim pesnicama, nogama, rukama, oružjem i drugim predmetima u predjelu glave i čitavom tijelu usljed kojih udaraca su gubili svijest, na koji način su im nanosili povrede po cijelom tijelu.

3. Peulić Davor – sam

Postupajući po prethodnom naređenju Peulić Boška te naredbama Đurić Petra, koji je takve naredbe izdavao svojim podređenim pripadnicima vojne policije koji su obezbjeđivali zatvorene civile i ratne zarobljenike, **Peulić Davor** je u periodu od početka mjeseca maja pa do kraja mjeseca oktobra 1992. godine, nesmetano dolazio u improvizovani zatvor - podrumске prostorije zgrade PTT-a Skender Vakuf i to u vremenu u kojem su bili zatvoreni civili i ratni zarobljenici i to u periodu od 01. do 08.05.1992. godine ratni zarobljenici [REDACTED]

[REDACTED]
[REDACTED]
[REDACTED]
[REDACTED]
[REDACTED] kao i drugi nepoznati civili i ratni zarobljenici, a prema kojim civilima i ratnim zarobljenicima je nečovječno postupao u ili van zatvora, tako što ih je premlaćivao na način da im je prethodno stavljao bajonet – nož koji je držao u ruci pod vrat, zatim ih hvatao za kosu te njihove glave udarao od zid, a potom ih u više navrata udarao nogama obuvenim u vojničke čizme, kundacima pušaka i drugim predmetima, te stisnutim pesnicama u predjelu glave i čitavog tijela, usljed kojih udaraca su padali na tlo gdje ih je nastavljao na isti način udarati po čitavom tijelu, pa je tako [REDACTED]

[REDACTED]
[REDACTED]
[REDACTED] te drugim nepoznatim civilima i ratnim zarobljenicima namjerno nanosio snažne fizičke i duševne boli i patnje, kao i povrede po cijelom tijelu, [REDACTED]
[REDACTED]
[REDACTED]

Dakle,

1. Peulić Boško

- **Radnjama pod tačkom I 1. Optužnice**, u svojstvu komandanta 122. Lpbr 1. Krajiškog korpusa VRS-a, a kasnije komandanta 22. Lpbr 1. Krajiškog korpusa VRS-a, kršeći pravila Međunarodnog humanitarnog prava i to odredbe člana 3. stav 1. tačka a) i c) III Ženevske konvencije o postupanju sa ratnim zarobljenicima od 12. avgusta 1949. godine, te kršeći odredbe člana 86. i 87. Dopunskog protokala I, kao de iure i de facto nadređeno lice svim pripadnicima navedene brigade nad kojima je imao efektivnu kontrolu i kao odgovorno lice za bezbjednost ratnih zarobljenika HVO-a BiH, znao da su njemu podređeni pripadnici pomenute brigade počinili ubistva 13 ratnih zarobljenika – pripadnika Općinskog stožera Travnik HVO-a BiH, nije preduzeo nužne i razumne mjere da spriječi ta ubistva i nije preduzeo nužne i razumne mjere da njemu podređeni počiniooci istih budu kažnjeni;
- **Radnjama pod tačkom I 2. a) i b) Optužnice**, kršeći pravila Međunarodnog humanitarnog prava i to odredbe člana 3. stav 1. tačka a) i c) III Ženevske konvencije o postupanju sa ratnim zarobljenicima od 12. avgusta 1949. godine, te kršeći odredbe člana 3. stav 1. tačka a) i c) i odredbe člana 146. i 147. IV Ženevske konvencije o zaštiti građanskih lica za vrijeme rata od 12. avgusta 1949. godine, kao i odredbe člana 86. i 87. Dopunskog protokala I, u svojstvu komandanta 122. Lpbr 1. Krajiškog korpusa VRS-a, a kasnije komandanta 22. Lpbr 1. Krajiškog korpusa VRS-a **naudio** njemu podređenim pripadnicima navedene brigade nad kojima je imao efektivnu kontrolu **protivzakonito zatvaranje civila** bošnjačke i hrvatske nacionalnosti;

- **Radnjama pod tačkom I 2. a), b) i c) Optužnice**, kršeći pravila Međunarodnog humanitarnog prava u naprijed navedenom svojstvu, te kao odgovorno lice za bezbjednost zatvorenih civila i ratnih zarobljenika **naredio** njemu podređenim pripadnicima da **nečovječno postupaju prema istim, a prema kojim naredbama je njemu podređeni pripadnika Đurić Petar u potpunosti postupio, na koji način im je nanosio namjerno snažnu fizičku i duševnu bol i patnju;**
- **Radnjama pod tačkom I 2. a) i b) Optužnice**, kršeći pravila Međunarodnog humanitarnog prava, u naprijed navedenom svojstvu, **nečovječno postupao i mučio** ratne zarobljenike, nanijevši im na taj način namjerno snažnu fizičku i duševnu bol i patnju.

2. Đurić Petar

- **Radnjama pod tačkom I 2. a), b) i c) Optužnice** kršeći pravila Međunarodnog humanitarnog prava, i to odredbe člana 3. stav 1. tačka a) i c) III Ženevske konvencije o postupanju sa ratnim zarobljenicima od 12. avgusta 1949. godine, te kršeći odredbe člana 3. stav 1. tačka a) i c) IV Ženevske konvencije o zaštiti građanskih lica za vrijeme rata od 12. avgusta 1949. godine, u svojstvu de facto komandira Odjeljenja vojne policije 22. Ipbr VES-a i kao nadređeno lice vojnim policajcima koji su obekjeđivali zatvor, u potpunosti postupao po naredbama Peulić Boška, pa je Đurić Petar dalje **naredio** svojim podređenim pripadnicima Vojne policije da nečovječno postupaju prema civilima i ratnim zarobljenicima, držeći ih u nečovječnim uslovima, kao i da omoguće te dozvole i svim drugim pripadnicima navedene brigade da mogu nesmetano dolaziti u zatvor u namjeri da nečovječno postupaju prema tim zatvorenim civilima ili ratnim zarobljenicima u zatvoru i van njega, prema kojim naredbama su njemu podređeni pripadnici Vojne policije u potpunosti postupili, na koji način im je nanosio namjerno snažnu fizičku i duševnu bol i patnju;
- **Radnjama pod tačkom I 2. a) i b) Optužnice**, kršeći pravila Međunarodnog humanitarnog prava, u naprijed navedenom svojstvu, nečovječno postupao prema ratnim zarobljenicima i civilima na koji način im je namjerno nanio snažnu fizičku bol i patnju.

3. Peulić Davor

- **Radnjama pod tačkom I 3. Optužnice**, u svojstvu de facto komandira centra veze 122/22. Ipbr VRS-a (VP 7404 Kneževo), kršeći pravila Međunarodnog humanitarnog prava i to odredbe člana 3. stav 1. tačka a) i c) III Ženevske konvencije o postupanju sa ratnim zarobljenicima od 12. avgusta 1949. godine, te kršeći odredbe člana 3. stav 1. tačka a) i c) IV Ženevske konvencije o zaštiti građanskih lica za vrijeme rata od 12. avgusta 1949. godine, nečovječno postupao prema civilima i ratnim zarobljenicima, na koji način im je namjerno nanio snažnu fizičku bol i patnju.

Čime su počinili i to:

1. Peulić Boško

- Radnjama pod tačkom I 1. Optužnice, krivično djelo Ratni zločin protiv ratnih zarobljenika iz člana 144. KZ SFRJ u vezi sa članom 30. stav 2. KZ SFRJ, (kao nadređena osoba nije preduzeo nužne i razumne mjere da spriječi ta ubistva i nije preduzeo nužne i razumne mjere da njemu podređeni počinioci istih budu kažnjeni);
- Radnjama pod tačkom I 2. a) i b) Optužnice, krivično djelo Ratni zločin protiv civilnog stanovništva iz člana 142. KZ SFRJ (naredio protivzakonita zatvaranja civila);
- Radnjama pod tačkom I 2. a), b) i c) Optužnice, krivično djelo Ratni zločin protiv civilnog stanovništva iz člana 142. KZ SFRJ i krivično djelo Ratni zločin protiv ratnih zarobljenika iz člana 144. KZ SFRJ, a sve u vezi sa članom 22. KZ SFRJ (kao saizvršioc zajedno sa Đurić Petrom naredio nečovječno postupanje prema civilima i ratnim zarobljenicima);
- Radnjama pod tačkom I 2. a) i b) Optužnice, krivično djelo Ratni zločin protiv ratnih zarobljenika iz člana 144. KZ SFRJ (nečovječno postupao i mučio ratne zarobljenike).

2. Đurić Petar

- Radnjama pod tačkom I 2. a), b) i c) Optužnice, krivično djelo Ratni zločin protiv civilnog stanovništva iz člana 142. KZ SFRJ i krivično djelo Ratni zločin protiv ratnih zarobljenika iz člana 144. KZ SFRJ, a sve u vezi sa članom 22. KZ SFRJ (kao saizvršioc zajedno sa Peulić Boškom naredio nečovječno postupanje prema civilima i ratnim zarobljenicima);
- Radnjama pod tačkom I 2. a) i b) Optužnice, krivično djelo Ratni zločin protiv civilnog stanovništva iz člana 142. KZ SFRJ i krivično djelo Ratni zločin protiv ratnih zarobljenika iz člana 144. KZ SFRJ (nečovječno postupao prema civilima i ratnim zarobljenicima).

3. Peulić Davor

- Radnjama pod tačkom I 3. Optužnice, krivična djela Ratni zločin protiv civilnog stanovništva iz člana 142. KZ SFRJ i Ratni zločin protiv ratnih zarobljenika iz člana 144. KZ SFRJ (nečovječno postupao prema civilima i ratnim zarobljenicima).

TUŽILAŠTVO-TUŽITELJSTVO BiH
Tužilac